

## BAB V

### KESIMPULAN

Penglibatan wanita dalam pekerjaan luar rumah merupakan penduaan peranan mereka seperti yang telah diperkatakan, telah memberi wanita-wanita ini dua bebanan tugas dan tanggungjawab yang berat, iaitu: tanggungjawab sebagai ibu-isteri dan juga sebagai pekerja di luar rumah. Oleh itu, peranannya di rumah tidak dapat dilakukan sepenuhnya dan secara tidak langsung ia memerlukan 'functionaries' yang lain untuk mengambil alih sebahagian dari tugasnya di rumah. Dalam bab akhir ini pengkaji ingin melihat sejauhmana saranan-saranan yang dibuat oleh sarjana-sarjana terhadap peranan wanita itu dapat di-aplikasikan dengan peranan wanita dalam kontek kaum wanita yang dikaji di badan-badan berkanun ini. Penglibatan wanita secara langsung dalam bidang pekerjaan ini dapatlah dirumuskan melalui beberapa aspek, seperti dari aspek ekonomi, sosial dan kekeluargaan.

Dari segi ekonomi, kita telah dapati sememangnya pendapatan wanita dapat membaiki kedudukan ekonomi keluarga. Ini bererti bukan sahaja pendapatan keluarga itu cukup untuk membeli makanan dan biaya pelajaran anak-anak, tetapi juga boleh membeli barang-barang mewah seperti rumah batu, kereta, alat-alat perabut, barang kemas dan sebagainya. Cuba kita bandingkan antara satu keluarga yang terdiri *dan* suami dan isteri yang bekerja dengan satu keluarga yang mempunyai suami sahaja yang bekerja, sudah tentu pendapatan mereka juga berbeza.

Keadaan ini dapat dilihat dari Jadual 18 yang menunjukkan pendapatan yang diperolehi oleh suami, isteri dan kedua-duanya sekali. Dari jadual ini jelas didapati jumlah pendapatan yang dicampur antara kedua-dua pendapatan suami dan isteri itu adalah tinggi, di mana purata tiap satu keluarga itu ialah sebanyak \$1531.84.00 sebulan. Sementara jika hanya suami sahaja yang bekerja, jumlah purata yang diperolehi oleh setiap keluarga itu ialah sebanyak \$10698.00 sebulan. Oleh itu jelaslah pertambahan pendapatan isteri dengan purata sebanyak \$465.84.00 setiap seorang dalam sebulan dapat membantu menambahkan pendapatan ekonomi keluarga. Begitu juga dengan responden yang masih bujang dapat pula menambahkan pendapatan keluarga mereka dan meringankan beban orang tua masing-masing. Dari penjelasan ini nyatahalah kepada kita bahawa sumbangan wanita dari segi belanjawan rumah tangga amat penting dalam keadaan dimana kos sarahidup yang tinggi dan kehendak tersebut benda-benda kemewahan tidak ada batasannya.

Kemudian kita lihat pula dari segi tabungan, daripada yang ditemui, didapati wanita yang sudah kahwin lebih ramai yang mempunyai tabungan daripada wanita yang belum kahwin. Keadaan ini terjadi kerana wanita yang sudah kahwin mempunyai kesedaran untuk masa depan mereka dan anak-anak mereka kerana mereka sudah mengalami dalam rumah tangga dan mengenal kerumitan dan masalah orang yang berumah tangga, jangan ini mereka lebih berjimat dengan cara mengurangkan perbelanjaan atau merancang dengan teratur perkara-perkara yang perlu dibelanja dan lebihnya mereka akan menyimpan di bank-bank. Situasi begini

berlainan dengan wanita bujang yang masih belum mempunyai tanggung-jawab yang berat terhadap keluarga dan mereka tidak merasai alam berwujah tangga, jadi pendapatan mereka dibenarkan dengan mudah tanpa memikirkan soal-soal rumah tangga. Selain daripada itu faktor yang membawa kepada wanita yang sudah berkahwin lebih berjimat dari wanita bujang adalah kerana "security". Wanita sudah kahwin ini menabung untuk menjaga keselamatan mereka sekiranya ada terdapat kemungkinan-kemungkinan yang tidak diingini berlaku. Bagi wanita bujang pula, mereka kurang membuat tabungan kerana pendapatan mereka digunakan pada masa itu juga, mereka masih tidak mementingkan masa depan, oleh itu wanita yang sudah kahwin lebih berjimat dalam soal penggunaan wang.

Satu lagi faktor yang dapat kita katakan keraja wanita yang sudah kahwin ini lebih ramai membuat tabungan iaitu kerana mereka sudah mempunyai pendapatan yang tinggi bagi keluarga mereka, iaitu suami mereka juga mempunyai pendapatan, oleh itu mereka mempunyai banyak lebihan kerana tanggungan mereka masih tidak banyak, lalu mereka membuat keputusan untuk menabung. Semenara wanita yang belum kahwin mempunyai punca pendapatan yang sedikit, iaitu hanya punca pendapatan dari dirinya sendiri, sedangkan perbelanjaan banyak yang diperlukan, oleh itu mereka tidak banyak lebihan, seterusnya tidak dapat menabung.

Jika dilihat dari faktor sosial pun kita dapat dari pada kajian yang dibuat ini, perubahan di dalam sikap wanita telah berlaku, seperti dalam aspek perkahwinan, wanita dahulu dikatakan memandang wanita yang berkahwin dimasa usia yang muda adalah 1.25 kali daripada

wanita yang kahwin lewat. Daripada kejadian ini didapati semua responden, kecuali seorang, yang berkanwin selepas umur 20 tahun. Keadaan ini menjadi satu perkara biasa di kalangan masyarakat kini, di mana anak-anak perempuan ramai yang bersekolah dan kemudian mereka mendapat kerja, oleh itu dalam masa ini persoalan perkahwinan tidak timbul. Olih itu satu ciri moden telah wujud dengan mengubah ciri tradisional dalam masyarakat Melayu, di mana dahulunya dalam masyarakat Melayu, wanita kahwin lebih awal tetapi kini sudah berubah, dengan ini dapatlah dikatakan terdapatnya perubahan dalam sikap dan peranan wanita seperti yang disarankan oleh berbagai golongan masyarakat.

Dari faktor-faktor yang menyebabkan wanita bekerja di luar rumah, dapatlah dirumuskan kepada aspek-aspek ekonomi, sosial dan ekonomi serta sosial. Dari penanuan yang dikaji ini terdapat 40 peratus dari wanita yang sudah kahwin dan 24 peratus dari wanita belum kahwin (rujuk Jadual 15) menyatakan sebab ekonomi yang mendorong mereka bekerja. Olih itu sebanyak 64 peratus dari 96 orang responden ini memberi alasan ekonomi. Sementara faktor sosial yang menyebabkan mereka bekerja ialah sebanyak 20 peratus dari wanita yang sudah kahwin dan 8 peratus dari wanita belum kahwin yang memberi alasan ini. Jadi dapat kita katakan sebanyak 28 peratus dari 96 orang responden ini yang memberi alasan sosial yang membuata mereka bekerja di luar rumah. Bagi aspek ekonomi dan sosial pula didapati sebanyak 40 peratus dari wanita sudah kahwin dan hanya 11 peratus dari wanita belum kahwin, secara keseluruhannya hanya 51 peratus dari kedua-dua golongan wanita ini mem-

beri alasan ekonomi dan sosial yang menyebabkan mereka bekerja.

Jadi, dari sini dapatlah dirumuskan bahawa faktor ekonomikal yang sangat mempengaruhi seseorang wanita itu meninggalkan rumah untuk bekerja "makan gaji".

Dari aspek kekeluargaan pula kita dapati ramai pengkaji-pengkaji dan juga masyarakat yang mendakwa bahawa dalam masyarakat yang mempunyai suami dan isteri yang bekerja mempunyai 'trend' untuk memiliki saiz keluarga yang kecil. Setakat yang dikaji oleh pengkaji ini didapati memang benar corak keluarga telah berubah, di mana wanita-wanita ini memecah tradisi keluarga "extended" kepada keluarga "nuclear", yang mana bentuk keluarga yang "nuclear" merupakan satu-satunya ciri keluarga moden dalam suasana yang serba moden ini.

Walau bagaimanapun kajian ini tidak dapat membuktikan teori dan saranan yang diberikan oleh sarjana-sarjana Barat terutamanya mengenai hubungan yang renggang antara keluarga "nuclear" dengan keluarga "oriented" seperti yang dijelaskan dalam Bab II. Kenyataan ini tidak dapat disokong kerana daripada apa yang ditemui dalam kajian ini perhubungan responden-responden yang sudah kahwin tidaklah renggang dan tidak ada perubahan dalam pergaulan antara mereka. Hubungan mereka tetap seperti biasa, di mana anak tetap menghormati ibu bapa mereka dan mereka sentiasa menziarahi keluarga "oriented" mereka di masa-masa lepung, dengan keadaan ini dapat mengeratkan hubungan mereka. Sejitu juga dengan hubungan antara isteri dengan suami, walaupun kedua-duanya bekerja, namun hubungan mereka tetap erat dan saling hormat -

menghormati antara satu sama lain. Dari keterangan ini tidaklah dapat menyokong saranan para sarjana Barat dan juga dakwaan masyarakat mengenai hubungan dengan keluarga dan suami ini. Keadaan ini mungkin juga bolih dijelaskan di mana teori-teori atau penemuan-penemuan serta konsep-konsep yang dikemukakan oleh pengkaji Barat tidak dapat diapplikasikan ke dalam masyarakat Melayu di Malaysia ini lantaran terdapat banyak perbezaan dari segi gaya hidup dan keadaan kekeluargaan. Mungkin di Barat, hubungan anak dengan ibu tidak rapat dan kadang-kadang tidak pernah berhubung setelah mereka mendirikan rumah tangga kerana sikap dan gaya hidup serta ajaran mereka memang begitu, lagi-pun pergaulan mereka bebas yang membawa kepada keruntuhannya moral dan rendah akhlak, keadaan ini masih belum berleluasa lagi di Malaysia dan nilai-nilai tradisional masih lagi terselit di hati seseorang. Ciri itu keadaan ini tidaklah dapat disamakan antara perhubungan ibu-anak di Malaysia dengan di Barat. Kemungkinan keadaan seperti di Barat itu terjadi di Malaysia dalam jangkamasa yang panjang lagi. Kiranya tidak ada pengawalan terhadap kemasukan "kebudayaan Barat" ini, tetapi setakat yang dikaji ini keadaan seperti ini masih tidak banyak berubah. Perubahan hanya dikatakan perhubungan renggan, sementara waktu sahaja, kemudian hubungan rapat semula apabila seorang kunjung mengunjungi antara keluarga "nuclear" dengan keluarga "orientasi".

Selain daripada itu kajian ini dapat menjawab beberapa pertanyaan lagi yang timbul seperti bagaimanakah rumah tangga diuruskan ketika

isteri bekerja. Adakah saudara mara datang menolong mereka atau adakah digaji orang lain untuk menguruskan kerja-kerja itu. Seterusnya bagaimana pula pemutusan persoalan-persoalan rumah tangga diambil di kalangan keluarga-keluarga ini dimana isteri-isteri boleh dikatakan luas pandangan. Dari kajian ini didapati urusan rumah tangga terutama bagi responden yang sudah kahwin itu dapat dilihat dalam Bab IV dahulu, dapatlah dirumuskan bahawa urusan rumah tangga itu ada yang diuruskan oleh pembantu rumah, ada pula yang menguruskan sendiri setelah mereka pulang dari bekerja, sedangkan anak diantar ke rumah jiran atau rumah ibu untuk dijaga. Semua responden ini mahukan pembantu rumah untuk menguruskan rumah tangga mereka, tetapi lantaran kesusahan untuk mendapatkan pembantu rumah maka terpaksa mereka lakukan sendiri. Seterusnya dari segi pemutusan untuk mendapatkan sesuatu keputusan dalam rancangan-rancangan di dalam rumah tangga, didapati sebagai **keluarga** yang berpelajaran maka mereka lebih merupakan orang-orang yang bijak membuat keputusan dan merancangkan dahulu sebelum melakukan sesuatu tindakan mengenai rumah tangga seperti mengenai tabungan, perbelanjaan dan lain-lain. Nampaknya mereka sama-sama membuat rancangan, lagipun sebagai wanita yang berpelajaran, mereka lebih dihormati oleh suami mereka dalam membuat keputusan dalam berbagai hal dan suami mempunyai lebih kepercayaan kepada isteri serta mereka saling memahami. Kenyataan ini dinyatakan berdasarkan kepada jawapan-jawapan dari responden-responden yang ditemui.

Dari segi pergaulan pula dapat dirumuskan bahawa wanita-wanita

yang bekerja di luar rumah itu lebih luas bergaul dan mempunyai teman-teman yang ramai serta luas pandangan dan pengetahuan mereka.

Penglibatan wanita dalam pekerjaan ini telah menimbulkan beberapa kesan. Bagi pandangan pengkaji daripada apa yang didapati dari data-data ini penglibatan wanita ini menimbulkan kesan-kesan baik seperti yang dijelaskan tadi iaitu dapat menambahkan pengetahuan, meningkatkan 'prestige' dan membawa kaum wanita ke arah yang lebih tinggi dan status wanita telah di pandang tinggi tidak seperti dahulu iaitu dimasa sebelum merdeka dan sebelum masuk pengaruh luar. Keadaan ini dapat membuktikan atau menjawab dakwaan-dakwaan dari setengah masyarakat yang mengatakan ekoran daripada penyertaan wanita dalam bidang pekerjaan ini mempunyai banyak kesan buruk sehingga patut dikaji semula. Dari kajian ini didapati kesan buruk tidaklah terlalu banyak, hanya terdapat kesan sampingan seperti hubungan dengan masyarakat agak renggang dan masa di rumah adalah pendek yang bererti menjelaskan sosialisasi anak-anak, tetapi dari kajian ini didapati responden masih dapat mengawal keadaan ini seperti yang dijelaskan dalam bahagian implikasi, oleh itu kesan sampingan ini tidak dapat mempengaruhi atau melebihi daripada kesan baik yang begitu jelas sekali dari penduaan peranan wanita ini.

Akhir sekali dapatlah dirumuskan dengan secara yang lebih luas lagi iaitu terdapatnya dua bentuk peranan yang dimainkan oleh wanita-wanita dalam komuniti yang dikaji ini. Dua bentuk peranan yang dimaksudkan itu ialah:

1. Peranan yang didasarkan kepada aspek biologikal di mana peranan ini dilihat dari pandangan masyarakat. Wanita itu sebagai ibu dan suri rumah iaitu peranannya yang dimainkan disekitar rumahtangga sahaja.
2. Peranan yang berdasarkan aspek environmental. Peranan ini dapat dilihat dengan adanya kaum wanita bekerja di luar rumahtangga mereka. Mereka ini memperlihatkan bahawa peranan wanita tidak semestinya berdasarkan sifat biologikalnya semata-mata tetapi bolih dan dapat diubahsuai berdasarkan aspek environmentalnya, yang mana dalam konteks ini lebih merupakan kedudukan ekonomi mereka.

Pada umumnya beriaku berbagai-bagai perubahan akibat daripada penglibatan wanita dalam bidang pekerjaan ini seperti perubahan sikap kaum wanita, tetapi segala perubahan dan pembaharuan-pembaharuan ini tidak pula mengakibatkan berlakunya perubahan-perubahan lain yang dapat mengurangkan tanggungjawab kaum wanita terhadap rumahtangga. Apabila kita lihat di dalam masyarakat tradisional, wanita mempunyai tanggungjawab yang sepenuh terhadap urusan rumahtangga, maka begitu juga dengan wanita yang bekerja, tetapi dalam situasi yang berlainan.

Oleh itu berdasarkan kepada kenyataan-kenyataan dan penjelasan-penjelasan yang telah dihuraikan di atas ini didapati saranan-saranan yang dibuat oleh beberapa orang sarjana-sarjana Barat seperti Danlstrom, Iglenhart, Banton dan lain-lain itu, yang mana bagi mereka tugas dan tanggungjawab wanita terhad kepada urusan rumahtangga sahaja, tidak dapat digunakan lagi untuk masa sekarang dan tidak sesuai dengan wanita

di Malaysia. Begitu juga dengan pendapat-pendapat yang dikemukakan oleh ahli-ahli sosiologi yang lain, yang lebih menekankan kepada kesan buruk akibat daripada penduaan peranan wanita ini tidak dapat disokong oleh penemuan-penemuan yang didapati oleh pengkaji dari 50 orang kerani wanita ini.

Secara keseluruhannya kajian ilmiah ini telah mencapai tujuan asalnya untuk melihat sikap dan peranan wanita sekarang, iaitu wanita yang menduakan peranannya serta tujuan untuk menjelaskan beberapa persoalan dan kekeliruan yang timbul di kalangan masyarakat yang mungkin mempengaruhi mereka dan melemahkan semangat wanita untuk bekerja, sekiranya wanita-wanita hari ini terpengaruh dengan sikap yang negatif. Akhir sekali dapat juga dilihat bahawa wanita-wanita yang dikaji ini dapat menjalankan penduaan peranan mereka dengan baik tanpa menjelaskan mana-mana pihak, walaupun mereka memerlukan sedikit bantuan daripada orang lain tetapi tidak menjelaskan kesan baik dari penduaan peranan ini.

..... Semoga Allah yang memberi taufiq, dan kepadaNyalah aku berharap bantuan pertolongan. Amin.